

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

II. Filii sacerdotum non debent ad ordines admitti, nisi in monasterio vel
canonica regulari vita fuerint probati.

urn:nbn:de:hbz:466:1-15588

PARS XIX. DE ORDINATIONE
FILIORVM SACERDOTVM, ET EISDEM
in ecclesiis paternis non tolerandis.

CAP. I.

Idem VVigorniensi episcopo.

CONQUERENTE nobis Milone clero, quod cum R. presbyter ecclesiam beatæ Mariae de * Vicun, tanquam persona diutius habuisset, & post mortem eius idem Milo a Richardo Paciford domino fundi tibi fuisset præsentatus, R. filius presbyteri in sacerdotio genitus, institutionem ipsius clericu visus est impedire, & ad habendam eamdem ecclesiam modis omnibus, quibus potest, adspicitur. Quoniam igitur indignum est, & canonica obuiat sanctioni, ut filii debeat patribus in ecclesiis succedere: nos ad enormitatem istam eradicandam sollicite volentes & diligenter intendere, fraternitati tuæ, &c. quatenus si publicum est & notorium, patrem prædicti R. in præscripta ecclesia personatum habuisse, filium eius ibidem ministrare, aut eiusdem ecclesiæ personatum habere nullatenus patiaris. Sed si forte * aliqua causa institutus est, ibi ^{alia} eum, appellatione remota, auctoritate nostra non differas amouere, & memoratum Milonem, sicut fuerat ad ipsam ecclesiam præsentatus ab eo, ad quem præsentatio spectare dinoscitur, ibi, dummodo alias idoneus sit, contradictione & appellatione cessante, non postponas recipere, ipsumque facias prædictam ecclesiam quiete possidere.

CAP. II. *Idem Dunelmensis episcopo.*

Quod super his, de quibus dubitas, a nobis postulas edoceri, & ab animo tuo dubitationem auferri, solitudinem tuam & diligentiam, sicut dignum est, commendamus: & consultationi tuæ libenter in eo quod possumus respondemus. Inde est quod a nobis deuotio tua postulauit, vtrum filii sacerdotum, si idonei inuenti fuerint, ad sacros ordines promoueri possint, vel eis cura animarum committi. Inquisitioni tuæ taliter respondemus, quod filii sacerdotum, nisi in monasterio vel canonia regulari, si probatae

ANNO
CHRISTI 1179. probatæ vitæ fuerint & conuersationis habitu, ad diaconatum vel sacerdotium non debent admitti.

C A P. II. *Pars capituli; Ex insinuatione.*

Ad præsentiam nostram accedens R. presbyter, tacita veritate quod esset filius sacerdotis, per fraudem a nobis literas impetravit, vt ecclesia de Bilesbi, in qua R. pater eius ministrauerat, capellanus existeret. Quia vero nulli Frans &
dolus nulli
debet esse
bono. fraus vel dolus patrocinium praestare debet, discretioni tuæ, &c. quatenus infra 40. dies post harum literarum susceptionem, rei veritatem diligenter inquiras: & si tibi constiterit, quod memoratus R. sit in sacerdotio genitus, & quod pater eius in eadem ecclesia ministrauerit, non obstantibus literis nostris, ipsum exinde, omni occasione & appellatione cessante, amoueas.

C A P. IV. *Idem VVigorniensi episcopo.*

Præsentium tibi auctoritate iubemus, vt filios sacerdotum in paternis ecclesiis ministrare, vel eas occasione aliqua obtinere nullatenus permittas, & ipsos ab ecclesiis in quibus patres eorum ministrare noscuntur, cessante omni appellationis obstaculo studeas penitus amouere.

C A P. V. *Idem Londoniensi episcopo.*

Veniens ad præsentiam nostram VV. presbyter lator præsentium, supplici nobis assertione proposuit, quod cum ipsum ad ecclesiam sancti Laurentii de Nouoburgo, quam ei concessisti & assignasti, articulasses, & ad eamdem in presbyterum ordinasses, ipsum postea præscripta ecclesia spoliasti, eo quod pater eius in præscripta ecclesia ministravit. Quia vero ad nostrum spectat officium, viris ecclesiasticis paterna prouisione consulere, fraternitati tuae, &c. quatenus si tibi innotuerit, quod pater eiusdem presbyteri in præscripta ecclesia ministrauerit, quando eum instituisti, ipsam eidem, dilatione & appellatione cessante, in pace dimittas, amoto alio si quem instituisti. Verum si te ignorantem, quod pater eius in eadem ecclesia ministrauerat, ipsam ei assignasti, ex quo ad ecclesiam ipsam eum in presbyterum ordinasti, sibi restituas, donec in alia ecclesia ei prouideas, vnde honeste valeat sustentari, & sibi nullam super præscripta ecclesia molestiam vel grauamen inferas.

Concil. Tom. 27.

Iiii